

Minangkabau - Kasalamatan Alkitab - Salvation Scriptures

Efesus 2:2 Dikutiko itu angku-angku manuruikkan sagalo kabiasoan dunia ko; ba arati angku-angku patuah kabake panguwaso langik rayo, iyolah kabake roh nan kiniko sadang manguwasoi ati urang-urang nan indak patuah kapado Jehovah.

Matius 6:10 Angkaulah Rajo kami. Kami ma arokkan, Angkau sajolah nan mamarentahi bumi, sagalo parentah Angkau dipatuahi, bakcando di sarugo.

Lukas 22:42 "Bapak," kecek Baliau, "jikok buliah, jauahkanlah dari Ambo, sagalo sansaro nan musti ka Ambo jalani ko. Tapi jan manuruik kahandak Ambo, malainkan manuruik kahandak Bapak."

Yahya 16:7-9 Tapi Ambo mangatokan nan bana kabake angku-angku: Labiah elok lai di angku-angku, jikok Ambo payi; dek karano, jikok Ambo indak payi, mako Roh Panolong nan Ambo katokan tu, indak ka datang doh kabake angku-angku. Tapi, jikok Ambo lah payi, mako Ambo ka ma utuih Roh Panolong tu kabake angku-angku. 8 Jikok Inyo lah tibo, mako Inyolah nan ka manyatokan kabake umaik mukaluak di dunia ko, tantang doso umaik tu manuruik kabanaran, sarato apo ukunan nan ka ditimpokan dek Jehovah. 9 Roh Panolong itulah nan ka ma agiah tawu, baraso urang nan indak ba iman kabake Ambo, mako urang tu badoso;

2 Timotius 2:10 Itulah sababnyo mangkonyo ambo tabah manangguangkan kasadonyo tu, demi kapantiangan urang-urang nan lah dipilih dek Jehovah, supayo urang-urang tu pun mandapek kasalamatan, nan diberikan malalui Isa Almasih, nan disaratoi jo kamuliaan nan kaka.

Roma 15:20,21 Cito-cito ambo iyolah, ambo niyo nak mambaritokan Injil nan dari Jehovah di tampaik-tampaik, nan urangnyo alun panah lai mandanga tantang Isa Almasih. Dek karano ambo, indak niyo doh managakkan bangunan, di ateh sandi nan lah dilatakan dek urang lain. 21 Di Alkitab ado tatulih, "Urang-urang nan alun panah mandanga barito tantang Baliau, ka maliyek; baitu pulo, urang-urang nan alun panah mandanga, mako inyo ka mangarati."

Rasul 2:36,37 Itulah sababnyo, kasadonyo urang Israel musti sabana-bana tawu andaknya, baraso Isa Almasih nan angku-angku salibkan tu, Baliau tu pulolah nan lah dijadikan dek Jehovah, menjadi Tuhan sarato Rajo Panyalamaik!" 37 Kutiko urang-urang tu mandangkan apo nan dikatokan dek si Petrus tu, atinyo sangaik galisah. Mako inyo bi batanyo

kabake si Petrus, sarato kabake rasul-rasul nan lain, "Sudaro-sudaro, apo nan musti kami pabuwek?"

Ibrani 4:2 Dek karano Injil tu lah ditaritokan kabake kito, samo jo bakcando kabake urang-urang tu. Tapi kabake urang-urang tu, barito tu indak ado doh gunonyo. Dek karano kutiko inyo mandanga barito tu, inyo indak bi picayo.

Yeremia 24:7 - Matius 22:37 Baliau manjawab, "Kasiahilah Tuhan Jehovah angkau jo sapanuah ati, sarato jo sapanuah jiwa, sarato jo sapanuah aka pikieran angkau.

Rasul 16:14 Salah surang di antaro urang-urang padusi tu, adolah urang panggaleh kain kulabu si arang, namonyo si Lidia, inyo barasa dari Tiatira. Inyo adolah urang nan saliah ba ibadaik kapado Jehovah, mako digarakkan Tuhanlah atinyo, supayo inyo manarimo sagalo apo nan di ajakan dek si Paulus.

Matius 13:14-16 Dek nan baitu, mako basuwoanlah apo nan la dinubuatkan dek Nabi Yesaya, 'Jehovah bakato: Urang-urang tu layi ka taruih juwo mandanga, tapi inyo indak ka bi mangarati; inyo layi ka taruih juwo mamparatikan, tapi inyo indak tawu apo nan tajadi. 15 Dek karano utak urang-urang ko lah mada talingonyo lah pakak, matonyo lah dibutukan. Mangko tajadi nan bakcando itu, matonyo jan maliyek, talingonyo jan mandanga, pikierannyo jan tabukak, supayo inyo jan babaliak kabake Den, untauk mintak dicegakkan.' " 16 "Tapi baralah kamujuanyo angku-angku," kecek Isa Almasih kabake pangikuik-pangikuik-Nyo, "dek karano angku-angku lah sabana-bana maliyek sarato jo mandanga.

Yesaya 6:9,10 - Rasul 28:27 Dek karano pikieran banso ko lah mada, talingonyo lah pakak, matonyo lah piciang. Tajadi nan bakcando itu, supayo matonyo jan maliyek, talingonyo jan mandanga, pikierannyo jan mangarati, supayo inyo jan babaliak kabake-Den, saingga inyo Den cegakkan.

Markus 4:11,12 Mako bakatolah Isa Almasih kabake urang-urang tu, "Angku-angku lah di agiah karunia untauk mangatawui rasiyo, tantang baa caro Jehovah mamarentah. Tapi urang-urang nan diluwa, di aja jo parumpamoan, 12 supayo, 'Inyo layi taruih juwo mamparatikan tapi inyo indak tawu apo nan tajadi, inyo layi tatap juwo mandanga, tapi inyo indak mangarati, tajadi nan bakcando itu, supayo urang-urang tu jan maliyek, sarato jan mangarati, supayo inyo jan babaliak kapado Jehovah, supayo Jehovah ma ampuninyo.' "

Yahya 12:39,40 Itu mangkonyo urang-urang tu indak bi picayo, dek karano

Nabi Yesaya lah mangatokan pulo, "Jehovah lah bakato, 40 'Aden ka mambutokan mato urang-urang tu, ka Den pabuwek inyo kareh ati; supayo matonyo jan maliyek, pikierannyo jan mangarati. Supayo inyo jan babaliak kabake Den,untuak ka dicegakkan.' "

Roma 11:7,8 Jadi, baa iai? Umaik Israel indak mandapekkan apo nan inyo cari. Nan mandapek hanyolah sakalompok ketek, urang-urang nan lah dipilih dek Jehovah. Urang nan lain kasadonyo bi kareh kapalo taradok panggielan Jehovah. 8 Dek karano di Alkitab ado tatulih nan bakcando iko, "Jehovah manjadikan ati sarato jo pikieran urang-urang tu, jadi mada; sampai kiniko, nan mato urang-urang tu indak dapek maliyek, talingonyo indak dapek mandanga."

2 Tesalonika 2:10,11 Inyo ka mampagunokan sagalo tipu dayo nan jahek, untuak manyasekkan urang-urang nan ka binaso. Urang-urang tu ka binaso, dek karano inyo manulak, sarato indak suko jo barito nan bana dari Jehovah, nan dapek manyalamaikkannya. 11 Itulah sababnya, Jehovah mandatangkan kabake urang-urang tu, suatu kuwaso nan manyasekkan, saingga inyo bi picayo kabake apo nan indak batua.

Matius 13:18-23 "Dangakanlah apo aratinyo parumpamoan tantang urang nan manyerakkan baniah. 19 Baniah nan jatuah di tapi jalan, ibaraiknyo sarupo jo urang-urang nan lah mandanga kaba tantang Karajaan Sarugo, tapi inyo indak mangarati. Mako tibolah si Jahek (ubilih) ma ambiak apo nan lah diserakkan di tanah atinyo tu. 20 Baniah nan jatuah di tampaik nan babatu-batu, ibaraiknyo sarupo jo urang-urang nan lah mandangkan firman Tuhan tu, inyo lansuang manarimonyo jo sanang ati. 21 Tapi firman Tuhan tu indak ba urek dalam atinyo, dek karano itu indak dapek batahan lamo. Jikok inyo mandapek kasusahan, atau jikok inyo di aniayo dek karano di firman Tuhan tu, mako inyo lansuang maninggakan imannya. 22 Baniah nan jatuah di tangah samak baduri, ibaraiknyo sarupo jo urang-urang nan layi mandangkan firman Tuhan tu, tapi inyo cameh tantang iduiknyo, sarato inyo nak iduik basanang-sanang. Dek karano itu firman Jehovah tu, ta impik di dalam atinyo saingga indak babuwah. 23 Baniah nan jatuah di tanah nan rancak, ibaraiknyo sarupo jo urang-urang nan layi mayakini sarato mamahami firman Tuhan tu. Urang-urang tu sarupo jo tanaman nan babuwah labek, ado nan saratuih, ado nan anam puluah, ado nan tigo puluah kali lipek asienyo."

2 Korintus 3:15,16 Sampai kiniko, biyapun inyo lah bi mambaco kitab-kitab Nabi Musa, tapi nan salubuang tu tatap juwo lai manyawok-i pikierannyo. 16 Tapi, jikok ado urang nan datang mangadap kapado Tuhan, mako salubuang tu pun di anjakkan dari mukonyo.

Hosea 11:3-7 - Matius 11:28-30 Bi datanglah kabake Ambo, oih kasadonyo angku-angku nan latiah, sarato nan bababan barek; Ambo ka ma agiahkan sumangaik nan baru kabake angku-angku. 29 Turuiklah parentah Ambo, sarato barajalah kabake Ambo. Dek karano Ambo ko lamah lambuik, sarato randah ati, mako iduik angku-angku ka basumangaik baliak. 30 Dek karano sagalo apo nan Ambo parentahkan tu manyanangkan, baitu pulo, baban nan Ambo pikuakan kabake angku-angku tu, indak barek.

Rasul 26:18 **untuak ka mambukakkan mato rohaninyo, supayo inyo buliah kaluwa dari nan kalam, sudah tu masuak ka nan tarang; supayo urang-urang tu buliah lapeh dari pangaruah Ubilih, sudah tu buliah Jehovah nan ka manguwaso inyo. Jo sacaro inyo ba iman kabake Ambo, mako doso-dosonyo ka di ampuni, inyo ka manjadi anggota umaik Jehovah nan tapiliah.**

2 Timotius 2:24-26 Urang nan bakarajo untuak Tuhan, indak patuik batangka; inyo musti ramah taradok kasadonyo urang, sarato bisa ma aja urang sacaro elok, sarato jo saba. 25 Inyo musti sacaro jo lamah lambuik, ma aja-i urang-urang nan suko malawan; mudah-mudahan, Jehovah ma agiah kasampatan kabake urang-urang tu, untuak batobaik dari doso-dosonyo, sarato tawu jo pangajaran nan bana. 26 Jo caro nan baitu, urang-urang tu ka sadar baliak, mako inyo ka lapeh dari parangkok Ubilih nan lah manangkoknyo, nan mamaso inyo ma ikuik-i kandak Ubilih.

Wahyu 3:17-19 Angkau bakato, 'Kami kayo, sarato bakacukuik-an; kami indak kakurangan sabuwah alah jo.' Tapi, angkau indak tawu, baralah ka mularaik, baralah ka manyadiyahkannya ka adaan angkau! Angkau bansaik, batilanjang, sarato buto. 18 Dek karano itu, Ambo manasiyaik-i angkau, supayo mambali ameh dari Ambo, iyolah ameh nan tulen, supayo angkau manjadi kayo. Bali pulolah pakaian putiah dari Ambo, supayo angkau bapakaian, untuak panyawok-i ka adaan angkau nan batilanjang, nan mamariangikkan. Bali pulolah ubek untuak ka diberiukkan di mato angkau, supayo angkau dapek maliyek. 19 Urang-urang nan Ambo kasiahi, inyo tu lah nan ka Ambo paringekkan, sarato nan ka Ambo cambuik. Dek karano itu, andaklah angkau basumangaik, sarato batobaiklah dari sagalo doso angkau.

2 Korintus 7:10 Dek karano, ati ta ibo nan bakcando itu, ma asiekan parubahan ati, nan mandatangkan kasalamatan. Urang indak ka manyasa doh jo kajadian nan saroman itu. Tapi sabaliaknya, ati ta ibo nan hanyo manuruik kandak manusia, ka mambawok mauik.

1 Rajo 18:37 - God turned heart back to God

2 Korintus 4:4 Dewa jahek nan manguwasoi dunia ko, itulah nan manutuik pikieran urang-urang nan indak namuah picayo tu. Inyolah nan ma ambek-ambek, supayo urang-urang tu jan manampak cahayo tarang dari Injil kabasaran Isa Almasih, nan adolah marupokan gambaran Jehovah.

Lukas 8:11-15 "Ikolah aratinyo parumpamoan cako: Baniah tu iyolah firman Jehovah. 12 Baniah nan jatuah di jalan, aratinyo adolah, sarupo jo urang nan inyo layi mandangkan firman Jehovah. Tapi tibolah ubilih untuak marabuik firman Jehovah tu dari dalam atinyo, supayo inyo jan manjadi urang nan ba iman, nan disalamaikkan. 13 Baniah nan jatuah di tanah nan babatu-batu, aratinyo adolah saroman jo urang, nan dikutiko mandangkan firman Jehovah tu, inyo manarimo jo sanang ati. Tapi firman Jehovah tu indak ba urek di dalam atinyo. Inyo ba iman hanyo sabanta sajo, dikutiko tibo cobaan inyolah marotaik pulo. 14 Baniah nan jatuah di tangah samak baduri, ibaraiknyo sarupo jo urang, nan dikutiko mandanga firman Jehovah tu inyo layi manarimo, tapi inyo cameh tantang iduiknyo, inyo niyo nak iduik bamewah-mewah, sarato jo basanang-sanang di dunia ko. Kasadonyo tu lah nan ma ambek inyo, saingga iduiknyo indak ma asiekan buwah nan masak. 15 Baniah nan jatuah di tanah nan rancak, ibaraiknyo sarupo jo urang, nan dikutiko mandangkan firman Jehovah tu, inyo tarimo, inyo inok manuangkan dalam atinyo nan elok, saingga inyo ka batahan sampai ma asiekan buwah."

Rasul 15:11 Malah sabaliaknyo, dek karano kito ba iman, mangkonyo kito disalamaikkan, kasadonyo tu adolah samato-mato, dek karano raso ibo dari Tuhan Isa Almasih; baitu pulo kabake urang-urang tu.

Roma 8:13 Dek karano, jikok angku-angku iduik mampaturuikkan tabiyaik manusia, mako angku-angku ka mati; tapi jikok angku-angku iduik jo Roh Jehovah, lah jaleh angku-angku ka ma antikan sagalo karajo angku-angku nan badoso, mako angku-angku ka iduik nan sabana iduik.